

Ahellil 51

- 1 N umeqqran n imeddaḥen, ahellil n Dawed.
- 2 Yenna-t, segga id-yusa ḡer-s nnbi Naṭan bac aṭ iluwem,
wern aḡnay n Dawed ḡer Baṭ Cabeḡ.
- 3 Ḥinn fell-a a Ṛebbi s rreḥmet nn-ek,
emḥa dnubat inu, d tameqrant leḥnant nn-ek.
- 4 Si lyeltet inu, jemla sired-ay,
si dnub inu sezdeg-ay.
- 5 Xaṭrac, steḡrfey s lyeltet inu a igiy,
u dnub inu dima tmektiy.
- 6 Di-k cek, a igiy dnub
igiy ccerṛ zzaṭ tittawin nn-ek,
Amma, aḡ iṣeḥ leḥkem nn-ek,
fella aḡ iḥeqq wawal nn-ek.
- 7 Hih, di lyeltet i d-luley,
u lak dug ḡeddis n yemma, d amednub i lliy.
- 8 Embesṣeḥ, tḡesed, dug ul tidet a' y-ṭawed,
u dug duf, lḥikmet a' y-tiged.

- 9 Ṛucc-ay s waman, si dnub aḡ ṣfiy,
sired-ay, kṭer temlel n wedfel aḡ welliy.
- 10 seslay ssmah nn-ek, aḡ zhiy.
si lferḥet a' terqeṣ, lefrist i t-essehwned.
- 11 Ur ttaqqal ca ḡer dnub inu,
temḥid gaḡ lyelṭat inu.
- 12 Xelq-ay-d a Ṛebbi ul d azeddag,
tigid-ay rruḥ yeḡdel dima d aṭrar.
- 13 Zzaṭ n uḡem nn-ek la y-tbaḡḡd la y-tekkes,
la ssrag ss-i rruḥ nn-ek imqeddes.
- 14 S sslak nn-ek uḡa-y-d azhay,
u s rruḥ yestaḡedden senned-ay.

- 15 Aḡ ssneḡtey i yya iyelten ibriden nn-ek ammek llan,
amma, imednab ḡer-k a d-wellan.
- 16 A Ṛebbi ! Ṛebbi n sslak inu,
smenḡ-ay, ur ssazzaley idammen,
u aḡ isebbeḥ yiles inu s smah nn-ek yestaḡen.

- 17 A Sid-i, ig awalen deg imi inu,
bac a' tesled aḥmaḍ seg ileš inu.
- 18 Ur tzeḥhid ca s tmeḡrušt yella uciḡ-ak-it,
u s luḡet ittuseḡyayen la cek tettexsed-it.
- 19 Tmeḡraḡ n Rebbi, nehenti d rruḡ inu i dellen,
cek a Rebbi ur ḡeqqer ca ul ig errzen.
- 20 S lemleḡt nn-ek, enthella di ḡehyun,
ḡawed ebna i Lquds leḡyuḍ n leḡrun.
- 21 Ammidin, a tezḥid s lweḡḍat n lḡeqq ittuseḡyayen d tukkit ijemlen,
u aḍ ssilin f tqerḡabit nn-ek iḡejmiyyen.